



Cunvegna da prestaziun gimnasi claustral Mustér 2020 - 2022

M E S S A D I

dalla suprastonza communal a al cussegl da vischnaunca

Preziau signur president
Preziadas signuras cusseglieras
Preziai signurs cussegliers

Il gimnasi claustral ha dapi entgins onns da sbatter cun ina digren dil diember da studentas e students. Per saver mantener e sche pusseivel augmentar il diember da scolaras e scolaras ein ils responsabels dil gimnasi schizun serendi en tiaras lontanias sco China, Namibia, Tiaratudestga, Pologna ed Italia per motivar giuvenils da frequentar il gimnasi claustral a Mustér. Pliras studentas e students da quellias tiaras han gia absolviu ni ein aunc el studi a Mustér. Tut quels sforzs han denton buca tunschiu da mantener il diember da scolaras e scolaras. Onn per onn sereducescha quei diember. Uonn han sulettamein 11 giuvenils entschiet

l'emprescha classa gimnasiala. Sco ei vesa ora vegn quei diember strusch a crescer, sch'ei reussescha buca da motivar ulteriurs giuvenils dalla Bassa, da tiaras vischinontas e cunzun dalla Surselva da visitar il gimnasi claustral a Mustér.

Muntada dil gimnasi claustral Mustér

Il gimnasi a Mustér exista dapi gleiti 140 onns ed ei buca mo per Mustér da gronda impurtonza, mobein per l'entira Surselva. Tgei fuss la Surselva, la Cadi e nossa vischnaunca senza la Claustra? Co lessan nus giustificar viers persunas cun aulta scolaziun da vegnir tier nus e surpender impurtontas incaricas, sche nus savein buca porscher ad ellas bunas pusseivladads da scolaziun per lur affons era sil nivel d'in gimnasi? Biaras persunas oz activas en aults posts politics e sil sector d'economia han visitau nossa scola claustrala che gauda lunsch entuorn in ferm label da qualidad. Per nossa regiun ei il gimnasi era in impurtont patrun che porscha bunas piazzas da lavur sin ault nivel. Il gimnasi occupescha 22 scolastas e scolasts (senza paders) sco era duas persunas el secretariat. Plinavon ein quater prefects engaschai egl internat. Quellas persunas habiteschan a Mustér, Breil, Glion, Laax, Trun ed ella Stussavgia. Vitier vegnan ulteriuras piazzas da lavur sco p. ex. sil sector dil tenercasa.

Il gimnasi claustral Mustér ei en emprescha lingia il gimnasi per la giuventetgna dalla Surselva, la quala vul frequentar ina scolaziun sil nivel gimnasial che sa vegnir terminaun cun la matura e che possibilitescha d'entrar ellas universitads svizras senza absolver examens da recepziun. Per studentas e students che derivan d'ordeifer la regiun meina la claustra in internat. Il gimnasi claustral metta peisa sin in'aulta qualidad da scolaziun ed in accumpignament individual da studentas e students. Cheutras han ils maturands ina fetg aulta schanza pil bein reussir dils studis vegnents. Biaras anteriuras scolaras e scolars tuornan pli tard anavos ella regiun sco giurists, miedis, pedagogs ed autras professiuns.

Dalla scola claustrala profitescha plinavon era nies commerci. Tenor in studi digl onn 2014 dall'Universitad da S. Gagl davart l'impurtonza regiunala dalla Claustra da Mustér, muntava la valor economica dalla claustra pigl onn 2012 a bunamein 12 milliuns francs. Da quei ein rodund 80% dallas expensas succedidas ella regiun. Il gimnasi munta per la claustra la pli impurtonta fontauna d'entradas. Entras ils recavs e cuosts succeda annualmein in transfer d'entradas ord autras regiuns ell'altezia da rodund 6 milliuns francs. Ei secapescha aschia da sesez che mintga giuvenil dalla Surselva che viseta las scolas a Cuera porta daners ord nossa regiun. Annualmein paga il gimnasi salaris da rodund 4.1 milliuns francs, quei che generescha bialas entradas da taglia per nossas vischnauncas e pil cantun.

Sustegn finanziel

Daco ina cunvegna da prestaziun? La sminuaziun da studentas e students ha per consequenza ch'ei manca entradas per cuvierer ils cuosts currents. Cunzun eis ei senza daners grev da recutar giuventetgna dalla Bassa da vegnir a Mustér per studegiar. Igl agid finanziel desiderau dallas vischnauncas duei vegnir impundius cunzun per acquirir per la scola claustrala giuventetgna dalla Bassa, digl exteriur e buca il davos dalla Surselva. Bugen havess la claustra fatg ina cunvegna per tschun onns. Ils responsabels dalla Regiun Surselva ein denton dil meini da suttametter allas vischnauncas la damonda per ina cunvegnientscha per treis onns. Cun l'approbaziun dalla cunvegna vegn ligiau la pretensiun, ch'ei vegni incaricau ina gruppa da lavur d'elaborar ina strategia co la scola claustrala resp. ina scola media sa exister era el futur en Surselva. Per la regiun Surselva e la vischnaunca da Mustér muntass ina serrada dil gimnasi ina gronda sperdita che nus stuein cun tuts mieds a disposiziun sespruar d'evitar. Cun ina tala sperdita perdess nossa regiun ina gronda ed impurtonta part da sia reputaziun sco era apprezzai contacts.

Il sustegn finanziel giavischau munta a frs. 280'000.-- pils treis onns 2020 - 2022. Quella summa duei vegnir messa a disposiziun entras tuttas vischnauncas dalla Surselva tenor ina clav da repartiziun sco quei ei gia stau il cass tier la davosa cunvegientscha che scada cun la fin d'uonn. Per Mustér munta quei a frs. 61'951.80 per onn, totalmein rodund frs. 186'000.-- per treis onns.

Ei vegn applicau la suandonta valetaziun: Vischnaunca da Disentis/Mustér 150%, ulteriuras vischnauncas dalla Cadi 70%, la vischnaunca da Breil 55% e las ulteriuras vischnauncas dalla Surselva 40%. Per la calculaziun vala la clav da repartiziun generala (1/5 contribuziun pauschala per vischnaunca e 4/5 tenor habitonts ed entradas da taglia), quei risguardond ina clav tenor tscherchels concentrics sebasond sin punct 4 dalla cunvegna.

Grundlagen			Gymnasium Kloster Disentis			
Gemeinden	Einw. 2017	Steuerertrag 15/16 Total Kantonssteuer	Gewichtung gem. Kreis	1/5 Pauschale	4/5 Einwohner/ Steuer	Total
Disentis/Mustér	2'092	4'116'594	1.50	16'568.05	45'383.76	61'951.80
Falera	623	2'286'779	0.40	4'418.15	5'091.08	9'509.20
Ilanz/Glion	4'704	9'670'391	0.40	4'418.15	27'793.14	32'211.20
Laax	1'755	7'601'391	0.40	4'418.15	15'966.90	20'385.05
Lumnezia	2'047	3'750'131	0.40	4'418.15	11'452.46	15'870.60
Medel/Lucmagn	384	679'537	0.70	7'731.76	3'700.91	11'432.65
Obersaxen/Mundaun	1160	2'953'167	0.40	4'418.15	7'650.56	12'068.70
Safiental	905	1'171'525	0.40	4'418.15	4'381.40	8'799.55
Sagogn	686	1'494'159	0.40	4'418.15	4'170.76	8'588.90
Schluein	623	1'400'860	0.40	4'418.15	3'849.29	8'267.45
Sumvitg	1'179	1'790'574	0.70	7'731.76	10'637.33	18'369.10
Trun	1'172	1'859'759	0.70	7'731.76	10'769.96	18'501.70
Tujetsch	1'256	3'219'052	0.70	7'731.76	14'549.19	22'280.95
Vals	1'050	2'683'730	0.40	4'418.15	6'939.94	11'358.20
TOTAL	21'420	48'260'424		93'333.33	186'666.67	280'000.00

La claustra stat cun perschasiun davos il gimnasi e vul vinavon porscher alla giuventetgna sursilvana ina buna scolaziun gimnasiala. La sminuaziun dil diember da scholars, sco consequenza dil svilup demografic, ei ina sfida per tuts secturs da formaziun ella regiun Surselva. Las instituziuns da formaziun dallas vischnauncas e dalla regiun ein sfurzadas d'analisar bein lur situaziun pil futur e da decider communablamein la strategia da scolaziun ella regiun.

L'existenza dil gimnasi claustral Mustér ei periclitada. Il gimnasi ei actualmein dependents dil sustegn finanziel dallas vischnauncas dalla regiun Surselva. Per la vischnaunca da Mustér, ch'ei il domicil dil gimnasi claustral, sto ei secapir da sesez da segidar cun nies gimnasi per segirar era pil futur sia existenza.

Ponderaziuns finalas

La conferenza dils presidents communalas dalla Surselva ha approbau ils 4 d'october 2019 unanimamein la cunvegna da prestaziun cul gimnasi claustral Mustér per mauns dalla ratificaziun entras las vischnauncas dalla regiun. Tuttas vischnauncas vegnan a tractar la cunvegna senza resalvas.

Proposta

Sebasond sin las expectoraziuns precedentas

propona

la suprastonza communalala al cussegl da vischnaunca:

- a) d'approbar la cunvegna da prestaziun cun la Regiun Surselva davart il sustegn finanziel al gimnasi claustral Mustér pils onns 2020 - 2022;
- b) da conceder persunter il credit necessari da frs. 186'000.--, il qual vegn sbursaus en treis pagaments ulivs durant ils onns 2020 - 2022.

Suprastonza communalala Disentis/Mustér

Il president:

Il canzlist:



Robert Cajacob



Andri Hendry

Disentis/Mustér, ils 28 d'october 2019

me1938_Cunvegna da prestaziun Gimnasi claustral

- Cunvegna da prestaziun Gimnasi claustral cun la Regiun Surselva